



ԵՎՐՈՊԱՅԻ ԽՈՐՀՈՒՐԴ

ՄԱՐԴՈՒ ԻՐԱՎՈՒՆՔՆԵՐԻ
ՊԱՀԱՊԱՆԸ

ՀԱՄԱՌՈՑ ԱԿՆԱՐԿ

COUNCIL OF EUROPE



CONSEIL DE L'EUROPE



ԵՎՐՈՊԱՅԻ ԽՈՐՀՈՒՐԴ



Alain Berset
Գլխավոր քարտուղար

Եվրոպայի խորհուրդն առաջատարն է մայրցամաքում մարդու իրավունքներով զբաղվող կազմակերպությունների շարքում:

Նրա կազմում են 46 անդամ պետություններ, այդ թվում՝ Եվրոպական միության բոլոր անդամ պետությունները: Եվրոպայի խորհրդի անդամ բոլոր պետությունները միացել են Մարդու իրավունքների եվրոպական կոնվենցիային՝ որպես մարդու իրավունքների, ժողովրդավարության և իրավունքի գերակայության պաշտպանությանը նպատակաուղղված միջազգային համաձայնագրի:

■ Մարդու իրավունքների եվրոպական դատարանը վերահսկում է Կոնվենցիայի իրագործումն անդամ պետություններում: Անհատները համապատասխան պետության ներսում բողոքարկման բոլոր հնարավորությունները սպառելուց հետո կարող են մարդու իրավունքների խախտումների վերաբերյալ բողոքները ներկայացնել ստրասբուրգյան դատարանին:

■ Եվրոպական միությունը նախապատրաստվում է Մարդու իրավունքների եվրոպական կոնվենցիայի ստորագրմանը, որի արդյունքում եվրոպական միասնական իրավական տարածք կձևավորվի ավելի քան 700 միլիոն քաղաքացիների համար: ■ ■ ■



ՄԱՐԴՈՒ ԻՐԱՎՈՒՆՔՆԵՐԻ ԵՐԱՇԽԱՎՈՐՈՒՄԸ

■ Եվրոպայի խորհուրդը հանդես է գալիս արտահայտվելու և լրատվամիջոցների ազատությունը, հավաքների ազատությունը, հավասարությունը և փոքրամասնությունների պաշտպանությունն ապահովելու կոչերով: Կազմակերպության նախաձեռնած հատուկ քարոզարշավներն անդրադառնում են այնպիսի խնդիրների, ինչպիսիք են երեխաների պաշտպանությունը, պայքարն ինտերնետում ատելություն սերմանող կոյությունների դեմ, ինչպես նաև՝ Եվրոպայի խոշորագույն փոքրամասնության՝ գնչուների իրավունքների պաշտպանությունը:

■ Եվրոպայի խորհուրդն օգնում է անդամ պետություններին կոռուպցիայի և ահաբեկչության դեմ պայքարում, ինչպես նաև՝ դատախարակական անհրաժեշտ բարեփոխումների իրականացման հարցերում: Եվրոպայի խորհրդում սահմանադրական հարցերով զբաղվող փորձագետների խումբը, որը հայտնի է «Վենետիկյան հանձնաժողով» անվանմամբ, աշխարհով մեկ իրավաբանական խորհուրդներ է տալիս տարբեր պետություններին:

■ Եվրոպայի խորհուրդն առաջ է մղում մարդու իրավունքների սկզբունքները միջազգային կոնվենցիաների, մասնավորապես՝ Կանանց նկատմամբ բռնության և ընտանեկան բռնության դեմ պայքարի և կանխարգելման կոնվենցիայի և Կիբեռանցավորության մասին կոնվենցիայի միջոցով: Եվրոպայի խորհուրդը դիտարկող անկախ փորձագիտական մարմինների միջոցով մշտադիտարկում է անդամ պետությունների առաջխաղացումը նշված ոլորտներում և ներկայացնում առաջարկություններ:

■ Այսօր Եվրոպայի խորհրդի և ոչ մի պետություն և մասնապատիժ չի կիրառում: ■ ■ ■



ՀԱՄԱՇԽԱՐՀԱՅԻՆ ՀԱՄԱԳՈՐԾԱԿՑՈՒԹՅՈՒՆԸ

Դիտարկող մարմինները

- ▶ Կոռուպցիայի դեմ պայքարող պետությունների խումբը («ԳՐԵԿՕ»)
- ▶ Խոշտանգումների և անմարդկային կամ առժանապատվությունը նվաստացնող վերաբերմունքի կամ պատժի կանխարգելման եվրոպական կոմիտե (անգլ. կրճատ՝ «CPT»)
- ▶ Մարդկանց թրաֆիքինգի դեմ պայքարի միջոցառումների փորձագիտական խումբ («ԳՐԵՏՍ»)
- ▶ Արդարադատության արդյունավետության եվրոպական հանձնաժողով (անգլ. կրճատ՝ «CEPEJ»)
- ▶ Փողերի լվացման և ահաբեկչության ֆինանսավորման դեմ պայքարի միջոցառումները գնահատող փորձագետների հանձնաժողով («ՄԱՆԻՎԱԼ»)
- ▶ Ռասիզմի և անհանդուրժողության դեմ պայքարի եվրոպական հանձնաժողով («ԵԿՐԲ»)
- ▶ Սոցիալական իրավունքների եվրոպական հանձնաժողով (անգլ. կրճատ՝ «ECSR»)
- ▶ Ազգային փոքրամասնությունների պաշտպանության շրջանակային կոնվենցիայի խորհրդատվական հանձնաժողով
- ▶ Տարածաշրջանային կամ փոքրամասնությունների լեզուների եվրոպական խարտիայի փորձագետների հանձնաժողով

■ Եվրոպայի խորհուրդը սերտ գործընկերային հարաբերությունների մեջ է Եվրոպական միության հետ: Եվրոպայի խորհուրդը նաև համագործակցում է Միավորված ազգերի կազմակերպության, Եվրոպայում անվտանգության և համագործակցության կազմակերպության և աշխարհի տարբեր տարածաշրջաններում գտնվող բազմաթիվ գործընկեր պետությունների հետ:

■ Օրինակ, Եվրոպայի խորհրդի Դեղամիջոցների որակի և առողջապահության հարցերով տնօրինությունը, որը կարևոր դեր է խաղում կեղծված դեղորայքի դեմ պայքարի գործում, համաձայնագրեր ունի Բրազիլիայի, Չինաստանի, Հարավային Աֆրիկայի և Ամերիկայի Միացյալ Նահանգների հետ: ■ ■ ■



ԿԱՌՈՒՑՎԱԾՔԸ

■ **Մարդու իրավունքների եվրոպական դատարանից** գատ, Եվրոպայի խորհրդի կազմի մեջ են մտնում աշխատանքային մի շարք կառույցներ.

▶ **Գլխավոր քարտուղարը** ղեկավարում և ներկայացնում է Եվրոպայի խորհուրդը:

▶ **Նախարարների կոմիտեն**, որը բաղկացած է անդամ պետությունների արտաքին գործերի նախարարներից և նրանց ներկայացուցիչներից, որոշումներ կայացնող հիմնական մարմինն է Եվրոպայի խորհրդում:

▶ **Խորհրդարանական վեհաժողովը** բաղկացած է անդամ 46 պետությունների 612 պատգամավորներից: Վեհաժողովն է ընտրում Գլխավոր քարտուղարին, Մարդու իրավունքների հանձնակատարին և Մարդու իրավունքների եվրոպական դատարանի դատավորներին, ինչպես նաև՝ ծառայում է որպես բանավեճերի ժողովրդավարական հարթակ և դիտարկում ընտրությունները: Վեհաժողովի հանձնաժողովները կարևոր դերակատարում ունեն ընթացիկ հիմնախնդիրների ուսումնասիրություններում և քննարկումներում:

▶ **Մարդու իրավունքների հանձնակատարն** անկախաբար անդրադառնում է մարդու իրավունքների խախտումներին և ուշադրություն հրավիրում դրանց նկատմամբ:

▶ **Տեղական և տարածքային իշխանությունների կոնգրեսը** պատասխանատու է տեղական և տարածքային ժողովրդավարության ամրապնդման համար: Այն կազմված է 612 ընտրված ներկայացուցիչներից, ովքեր ներկայացնում են ավելի քան 150 000 տեղական և տարածքային իշխանություններ:

▶ **Միջազգային ոչ կառավարական կազմակերպությունների խորհրդաժողովը** ներկայացնում է քաղաքացիական հասարակությունը և նպաստում մասնակցային ժողովրդավարության կայացմանը:



ARM

Avenue de l'Europe • 67075 Strasbourg • FRANCE

Մեր հիմնական կայքի հասցեն ինտերնետում.

www.coe.int



Եվրոպայի խորհրդի հրապարակումների կայքը.

book.coe.int

Փաստաթղթերի և առցանց աղբյուրների կայքը.

edoc.coe.int

